

Enformaziuns y Comunicaziuns

Partí fora la comegnun: Ai 28 de jená y ai 6 de ma 2017 él a Bornech i dui dis de formaziun por ministri co partèsc fora la comegnun. Sce valgügn oress fá cösc sorvisc, él perié da tó sö contat con le ploano o con le presidènt de ploania Carlo Suani.

Crejima: En dedemesaledema ai 25 de jená ales 8 da sèra, él te salf de calogna la encuntada por i geniturs dai mituns y dles mitans co vá eniann a Confermé.

Oraziun: En jöbia ai 26 de jená ales 8 da sèra, s'encunta te salf de calogna le grup de oraziun con signor Sepl Granruaz. Düc é bènodüs y envièis da tó pert.

Dlijia: Desche al é belo gnü enformé da Gnissant, mëssel gní fat de gran laurs de restaur pa nosta dljia. Por podèi destrighé i laurs endortöra y por rajuns de sügherté, mëss la dljia gní slüta, plü avisa **dala jöbia ai 26 de jená ennant**, desco ince tai mënsch de forá y merz, a na moda che i laurs sii roês por les festes da Pasca. Les mësses y funziuns ia por l'edema gnará zelebrades te salf de calogna basete, les mësses prefestives, les funziuns dla domègna y ince funziuns particulares, gnará tignides te salf dles manifestaziuns.

Solidarietè: Le Grup Franz Xaver de nosta Ploania fistidièia ann por ann, con söes aziuns y les spènores dla jont, da sostigní lies y uniuns co dèida jont plü debla y vir tla poverté. Al vèn organisé soradöt marcès de solidarietè, te chi che al vèn ince vonü produc dal marcé solidal. Sön la plata publicunse vigne iade les spènores co vèn ete y olache ares vá. Do l'ultimo marcé co é sté d'Advènt, él p.ej. gnü mené ennant 500,00€ a Helfen ohne Grenzen y 200,00€ porom ala Caritas diozejana y ala OEW.

Tló oressun en iade publiché valgünes zifres dl'assoziazium Helfen ohne Grenzen, co á söa sonta a Porsenú. Dal 2015 á l'assoziazium dé fora 569.946,00€ por proiec de solidarietè. Con püces spènores pón fá pordèrt dèr trep. L'assoziazium fej chisc ejompli: con 10,00€ pón cumpré 1 uniform da scora por en möt, con 25,00€ pón cumpré 50 chili de rijji por na scora, con 38,00€ vègnel finanziaé en semester de scora por önn en möt, con 75,00€ en ann entier de scora.

Sce valgügn oress sostigní cösta assoziatum, pón le fá tres le Grup Franz Xaver, o sön le cunt IBAN IT36D 05856 11610 024571089818. Le codesc fiscal por destiné le 5 pormile dla detlaraziun dai davagns é 94080180212. Iolan a düc por la solidarietè.



Gejú á dit: „Chi co crèi te me, vir ince sce ai mör!“
La comunité tol comié da **Josef Kosta**, mort al'eté de 50 agn.
Ai familiars i vál les condolianzes plü sontides.
Che Josef pói palsé tla pèsc de Dio!

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**



Plata dla Ploania Al Plan de Mareo San Vighile

Ploan: **Signor Heinrich Perathoner**
E-Mail: **ploaniaalplan@gmail.com**

Calogna Al Plan: **0474 501006**
Radio de Ploania: **93,00 MhZ**

UNITÉ PASTORALA



VAL BADIA

www.unitepastorala.org

Ann A

22.01.2017 - 3. Domègna dal Ann Liturgich

nr. 9

Atira ái lascé la barca y ti é jüs do!

Dal Vagnele do San Matio, 4, 12-23

¹⁸Dertan che Gejú passá dlungia le lé de Galilea, ál odü dui fredesc, Sciomun, nominé Pire, y so fre André, ai ea dèr tal sciüré fora la rèi te lé, ciodich'ai ea pèiapèsc. ¹⁹Y al ti á dit: Gnidemo do! I fajará fora de os piadus de jont.

²⁰Atira ái lascé enló söes rëis y ti é jüs do. ²¹Da

jí ennant ál odü dui d'atri fredesc, laco, le fi de Zebedeus, y so fre Jan; ai ea con so pere Zebedeus te barca y arjigná ca söes rëis. Al i á cherdé, ²²y atira ái lascé la barca y so pere y ti é jüs do a Gejú. ²³Gejú rodá por döta la Galilea, ensinã tles sinagoghes, encündâ le vagnele dal règn y varia tal popul dötes les maraties y les soferonzes.

Parora dal Signur. - Lalt a te, Gejú Crist!



Le Signur é mia salvèza - Salm

Le Signur é mia löm y mia salvèza:

Da che dessi pa mo temèi?

Le Signur é la forza de mia vita:

Da che dessi pa avèi pora?

Ma do öna na cossa prèii le Signur,

do chëra mo conforti;

da abité tla ciasa dal Signur döta mia vita,

da contemplé la valènzia dal Signur

y da ponsé sora te so tèmpl.

I sun sogü da odèi

la bunté dal Signur tla tera dai vis.

Spera tal Signur, sideste sterch!

Ais coraje y tal Signur confida!

Le Signur é mia löm y mia salvèza

Golser dijea...

Pla jonèza él en gran dejidèr do esperionzes de ligrèza. La jonèza vèn sfrütada dal sforz da messèi consumé, olache an crèi che sce (...) an á cösc y chël, ésun encontonc. Tla realté él dèr trec jogh co se sont susc, co ess debojügn da baié, da comuniché. Tló messunse ciaré da cherié poscibilitès por i baié veramonter ados. (...) Propio te cösc tomp, olache le bènester é en crisa, olache an vèiga che ara ne vá nia plü söpert: cösc pó porté a ponsé en pü' sora a ci co fej veramonter fora la cualité dla vita. Cösc é de bogn raporc. (Vèscö Karl Golser +)

Domègna: 22.01.2017: 3. Dom. dal ann liturgich: S. Vinzenz, S.Gaudenz



8.30: S.M. a La Pli

9.30: Corona dla domègna

10.00: S.M. pro popolo por la Ploania

18.00: S.M. por les Püres Animes

S.M. por +nc' Lucio y Rosetta

S.M. por +nc' dla Fam. Erardi y Rindler

S.M. por +nt Guido Rindler, de Pal

Lön. 23.01: Feria dla 3. edema dal ann: S.Heinrich Seuse, S.Hildefons

7.20: S.M. por vis y +nc' de Maria Complojer da Runcac'

S.M. por +nc' Erlacher da Torpei

S.M. por +nt Raffaello

Dédol. 24.01: S.Francësc da Sales, Sa.Vera, S.Eberhard

7.30: S.M. a La Pli

19.30: Corona por la pêsc

Dédem.25.01 Converiun dal apostul S.Paul, Sa.Susanna, S.Titus

18.00: S.M. por +nta Maria Kosta

S.M. aniv. por +nta Tamers Oberbacher Clara

S.M. por +nt Otto Trebo de Pire

S.M. ad int. por Paul Pezzei

S.M. por +nt Carlo Tamers de Burcia

Jöbia 26.01: Festa dai Sanc' Comp. de S.Paul, Timoteus y Titus

Vijita y oraziun personala te dljia

19.30: S.M. a La Pli

Vëndr.27.01: Feria dla 3. edema dal ann: Sa.Angela Merici

7.10: S.M. por i scolari

S.M. por +nt Paul Palfrader da Jung

S.M. por +nc' Vollmann Jan y Christian dal lager

S.M. por +nt Tone Erlacher de Corcela

S.M. por les Püres Animes

15.00: Ora de oraziun

Sab.28.01: San Tomesc d'Acuin, Santa Maria in Sabato, S.Manfred

17.00: Poscibilitè da se pissié

18.00: S.M. de reng. por Fam. Borroni Giorgio y Augusta

S.M. por +nc' Mariangelo y Angela Frenademetz

S.M. por +nta Bernardi Ties Teresa, de Cassl

S.M. por +nc' dla Fam.Trebo Paul, de Gherino

19.30 S.M. a La Pli

Domègna 29.01.2017: 4. Dom. tal ann: S.Ojöp Freinademetz

Oferta por i bojügnis dla dljia

8.30: S.M. a La Pli

9.30: Funziun dla domègna

10.00: S.M. pro popolo por dötä la Ploania

S.M. en onù de Sant Ojöp da Oies con cörta funziun

18.00: S.M. por +nt Josef Kosta

S.M. por +nc' Jep y Lodovica Obwegs

S.M. por +nta Comploi Tille de Mano

S.M. por +nc' Erlacher Josef, Angela y Hubert



Lascia ia!

Endlunch olache al é discusciuns sora l'umanité, vègnel sö tert o adora les parores "liberté" y "se realizé se enstèsc". La porsona ne sciafia nia da se realizé sonza liberté o tla ditatöra. Autonomia, securèza, en pert ince sèns critich: é les virtüs co porta ala meta. Lapró alda le valor dla parora "mio/mia": mio laur, mia ciasa, mi dèrc, mia sanité, mi auto, mio om, mia fomena, mio möt ...

Mo l'envit de Gejú sona ensiö: Lascia ia! Dá ota! Al ne depënd nia döt ma da te! Te ne vires nia ma por te! Ascuta mia parora! Te risces te enstès, le Règn de Dio é daimpró.



Matthias Hüter

**Versöhnung:
die Liebe Christi drängt uns**

Unter diesem Motto findet vom 18. bis 25. Januar die Gebetswoche für die Einheit der Christen statt.

Tan desvalies les porsones,
tan desvalis i talènc,
tan desvalies les cherdades

Ofertes empede ciöf sön fossa por le +nt Heinrich Ties

Krebshilfe: Loise da Garsun

SS.Mësses: Fam. Taibon – Sorbatelli, Fam. Ties Mali da Plazores, Fam. Wolfsgruber Richard y Annamaria

Dljia: Fam. Franz y Angela Kaneider, Erlacher Stachio, Fam. Filippo y Renate Kaneider, Taibon Ida, Fam. Ernesto y Annelies dal Medo, Fam. Ties Elisabeth da Plazores, Fam. Wolfi y Maddalena Pisching, Fam. Frenademetz Bruno y Paula, Hubert Tamers de Burcia

Ofertes empede ciöf sön fossa por le +nt Carlo Tamers

Dljia: Fam. Pisching Wolfi y Maddalena

Der bel iolan y Dio s'al paii

Sorvisc dai Ministrön

Lönesc 23/01 (07:20h), Dédemesaledema 25/01 (18:00h), Vëndres 27/01 (07:10h): Lucy Call, Emma Daverda;

Sabeda 28/01 (18:00h): Elisa Frenademetz, Jan Paul Promberger, Mara Rungger, Anna y Matteo Sottrovich, Michael Leimegger;

Domègna 29/01 (10:00h): Sofia Castlunger, Sandra y Isabel Ties, André Castlunger, Fabian y Matthias Kaneider;

Domègna 29/01 (18:00h): Mattia Leggio, Chantal Feichter, Caspar y Moriz Videsott, Matthias Willeit, Marlene Palfrader;

